


LANGABEZIA LANBIDEREN BULEGOETAN

Langabezia erregistratua %8,0tik gorako erritmoan jaisten ari da

Langabezia erregistratua guztira
Urte arteko aldakuntza tasa






Enplegu bulegoek eskaini duten informazioak adierazten du langabeziaren jaitsiera erritmoa %8,0tik gorako urte arteko tasetan jarraitzen duela. Izan ere, 2018ko ekainean lanik gabeko 120.000 pertsona baino zertxobait gehiago zenbatu ziren, aurreko urteko hileko beraren aldean %8,2ko jaitsiera batekin. Horren ondorioz, aurtengo lehen sei hilekoaren batez bestekoa %-8,3 da. Tasa hori ez da asko desbideratzen 2016an (%-8,8) eta 2017an (%-8,6) eskuratu ziren zenbakietatik. Beraz, langabezia jaisteko erritmoan egonkortasun handia dago. Langabeziaren jaitsiera azkarragoa da gizonen taldean (%-11,3 ekainean) emakumeen taldean (%-5,8) baino, neurri handi batean emakumeak lan merkatuan duten partaidetza handitzen jarraitzen ari direlako.

Langabezia erregistratua. Emakumeak
Urte arteko aldakuntza tasa



Langabezia erregistratua. Gizonak
Urte arteko aldakuntza tasa



Langabezia erregistratua. Gazteak
 Urte arteko aldakuntza tasak

Langabezia erregistratua. Atzerritarrak
 Urte arteko aldakuntza tasak


Ekaineko langabezia jaitsiera 25 urtetik gorako biztanlerian gauzatu zen (%-8,8), gazteen artean %1,5eko urte arteko igoera txikia hauteman zen bitartean. Beste aldetik, ez da desberdintasun esanguratsurik nabaritzen nazionalitatearen eremuan eta langabeziaren beherakada antzekoa izan zen atzerritarren (%8,0) eta nazionalen (%8,3) artean.

Gaur eguneko langabeziaren beste ezaugarri bat da gehiago jaitsi dela lan eskarmentua duten pertsonen artean, lehen enpleguaren bila aritzen diren lagunen artean egonkortasuna hauteman den bitartean. Azken horiek %1,3ko murrizketa txikia jaso zuten. Sektoreka, langabeziaren zuzenketa askoz nabarmenagoa da erakuntzan, ekainean %18,7 gutxitu baitzen bere langabeen kopurua, industrian %11,1 eta zerbitzuetan %7,5 baino.

Langabeak

	2017ko ekaina	2018ko ekaina	Aldakuntza
LANGABEAK GUZTIRA	131.269	120.485	-10.784
LURRALDE HISTORIKOEN ARABERA			
Araba	21.400	19.687	-1.713
Bizkaia	75.351	69.437	-5.914
Gipuzkoa	34.518	31.361	-3.157
SEXU ETA ADINAREN ARABERA			
Gizonak	57.669	51.136	-6.533
Emakumeak	73.600	69.349	-4.251
25 urtetik beherakoak	7.003	7.109	106
25 urte baino gehiago dutenak	124.266	113.376	-10.890
EKONOMIA SEKTOREAREN ARABERA			
Lehen arloa	2.941	2.672	-269
Industria	15.878	14.117	-1.761
Erakuntza	11.366	9.240	-2.126
Zerbitzuak	85.983	79.554	-6.429
Lehenago lan egin dutenak	116.168	105.583	-10.585
Lehenago lan egin ez dutenak	15.101	14.902	-199
ERREGISTRATUTAKO LANGABEZIA. ATZERRITARRAK			
Langabe atzerritarrak	20.955	19.284	-1.671